



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Leges Ecclesiasticae Canvti Regis E Saecvlaribvs Svis Collectae.

urn:nbn:de:hbz:466:1-15625

sitate vitæ præsentis & futuræ. Sed quomodo potest aliquis deuotas ad Deum preces effundere qui non habet in intime rectam fidem in eo? Non habet sane post transitum eius portionē aliquam cum Christianis in requie sanctorum, nec sancta communione dignus, nec vere Christianus habendus est qui non vult eam discere: nec ad eum iuste pertinet aliquem in sancto baptismo suscipere, nec a manibus episcopi in confirmatione, & datione Spiritus sancti, antequam bene sciat eam. Et docemus ut a summis criminibus totis viribus caueamus in omni tempore, & qui impulsu diaboli in peccatum inciderit, propensius emendet consilio penitentia suæ. Et ab immundis gaudiis & iniusto concubitu vel adulterio caueatur. Et omnes Dei timorem & amorem in mente habeant: diebus ac noctibus a peccatis fugiant: diem iudicii metuant, & inferni cruciatus, & semper ultimum vitæ suæ terminum cogitent aduenisse. Christi sunt præcones & doctores legis Dei, qui prædicationibus & exemplis Dei debent mysteria declarare. Curet qui velit: quia superuacue pastor est qui commisso sibi gregi non vult saltem clamore succurrere, si quid ei noceat. Non est aliquis tam nocens aduersarius sicut accusator humani generis inimicus, qui totis semper visceribus inhiat, totis æstuat desideriis, quomodo plures animas pertrahat in supplicium. Sit itaque pastorum solertia peruigil, & attente proclamans qui contra spirituales nequitias debet populo prouidere. Qui sane sunt episcopi? Sacerdotes qui gregem Domini doctrina debent sapienter custodire, & defendere ne diabolica vesania vulneret vel occidat. Ei qui Dei præceptis obedire neglexerit, hoc cum ipso Deo commune habeat.

LEGES ECCLESIASTICÆ
CANVTI REGIS E SÆCVLARIBVS
SVIS COLLECTÆ.

TABVLA LEGVM ECCLESIASTICARVM.

- | | |
|---|---|
| I. <i>De misericordia in iudicio habenda.</i> | III. <i>De sortilegis & beneficis.</i> |
| II. <i>Ne Christiani vendantur.</i> | IV. <i>Si quis ministrum altaris occidat.</i> |

- v. *Qui ordinatum vel alienigenam malignabit.*
 vi. *Si quis ordinatus hominem occidat.*
 vii. *Si quis clericus ligetur vel verberetur.*
 viii. *Si clericus se forisfaciat.*
 *proficeri ix. *Si quis* conficeri velit, & negat.*
 x. *Ne quis occidatur in die dominica.*
 xi. *Si liber festis diebus operetur.*
 xii. *Si seruus operetur.*
 xiii. *Si Dominus suus cogat eum.*
 XIV. *Si liber legitimum jejunium infringat.*
- xv. *Si seruus hoc agat.*
 XVI. *Si quadragesimale jejunium infringatur.*
 XVII. *Si quis Dei recta per vim superteneat.*
 XVIII. *De coniugii infractis.*
 XIX. *De stupris.*
 XX. *De virginie oppressa.*
 XXI. *De vidua similiter oppressa.*
 XXII. *De adultera.*
 XXIII. *Qui plegium regis vel archiepiscopi vel aldermanni infregerit.*
 XXIV. *Si quis excommunicatum vel vitlagatum habet.*

Edictum regis in opprimendis vitiis & augendis virtutibus.

PRO O E M I V M .

HÆC est institutio legum sacerularium, quam communis sapientum meorum consilio per totam Angliam teneri præcipio. In primis volo ut iustæ leges erigantur, & iniustæ subuertantur, & omnis iniustitia quanta possimus obseruantia de finibus nostris sarculetur & explantetur, & Dei iustitia modis omnibus exaltetur: & amodo reputetur omnis homo publica dignus rectitudine, pauper, & quicumque diues sit, & eis iusta iudicia iudicentur.

LEGES ECCLESIASTICÆ.

I.

Si quis peccauerit, & seipsum profunde forisfaciat, temperetur in eo iustitia, sicut erga Deum sit clementius, & in saeculo tolerabilius: & multa sedulitate cogitet qui ius habet in iudicio, quid sibi postulet a Domino dicens: *Dimitte Matth. 6. nobis debita nostra, sicut & nos dimittimus: Et non intres in iudicium cum seruo tuo Domine, quia non iustificabitur in conspectu tuo omnis viuens.*

Prohibemus ne Christianus aliquis penitus pro parva re saltem ad mortem seducatur: sed exquiratur pro necessitate populi iustitia pacificans, ne pro leui re dispereat opus manuum Dei, & suum ipsius precium quod profunde redemit.

II.

Præcipimus ne Christiani passim in exilium vendantur, vel in gentilitatem, ne forte pereant animæ quas propria voluntate mercatus est Dominus noster Iesus Christus: & totis viribus semper mundare patriā studeamus in finibus eius, & ab immundis operibus circumquaque cessemus.

III.

Et si sagæ vel incantatrices, veneficæ vel meretrices, alii cubi compareant, expellantur a finibus nostris, vel in eis pereant, nisi cessauerint, & profundius emendent. Præcipimus vt * vvithersacan & vtlagæ Dei & hominum patriæ ^{id est iure digno & ex culaci profici} exeant, si non resipuerint, & digne poeniteant. Fures, & eiusmodi damna populi propediem pereant, si non conquiescant. Omnem quoque gentilitatem modis omnibus interdicimus. Gentilitas est, si quis idola colat, id est gentilium deos, solem, aut lunam, ignem, vel fructus, aquas fontium, vellapides, vel alicuius generis ligna, vel * vvic- ^{id est vici-} cencrest diligit, vel morticia quoquo modo suscipiat, ^{cum accedit} aut in sorte, aut in * firhte, vel in similibus phantasiis, vel ^{id est teatia} præstigiaturis aliquid agat.

IV.

Si quis ministrum altaris occidat, vtlaga sit erga Deum & homines, nisi dignis satisfactionibus veros poenitentias fructus ostendat, & erga parentes eius emendet, vel * vve- ^{id est relata se adlegiet, & infra triginta noctes hoc incipiat apud} Deum & homines super omne quod habet.

V.

Si quis ordinatus vel alienigena seducatur in aliquo de pecunia vel vita, sit ei rex pro cognatione & aduocato, si penitus alium non habeat, & emendet regi sicut iustum est, vel illud factum nimis profunde vindicet. Christiano regi iure pertinet, vt Deo factas vindicet iniurias secundum quod acciderit.

VI.

Si quis minister altaris hominem occidat, vel malis actibus supra modum differatur, ordine simul & dignitate priuetur, & peregrinetur sicut ei papa suus iniunget, & opus emendet sedulo. Si se purgare velit, tripliciter hoc faciat: & si non infra triginta noctes hoc incipiat erga Deum & homines, extra legem habeatur.

VII.

Si quis ordinatum aliquem verberibus, aut vinculis, vel aliquatenus affliget, emendet ei sicut rectum sit, & episcopo emendationem altaris secundum dignitatem ordinis, regi vel domino plenam infractionem pacis aut plena lada neget.

VIII.

Si ordinatus se forisfaciat in morte plectendis aetibus, capiatur, & seruetur episcopi iudicio discutiendus secundum quod factum sit.

IX.

Si quis morti damnatus confessionem habere desideret, nunquam defendatur ei. Et si quis ei perneget, emendet regi centum viginti solidos, vel se allegiet, & sumat quinque, & idem sit sextus.

X.

Et, si vitari possit, nunquam occidatur aliquis die dominica morte forisfactus, nisi fugiat vel repugnet: sed capiatur, & seruetur donec festum transierit.

XI.

Si liber festis diebus operetur, emendet hoc secundum suum * healsfang, * & saltem erga Deum emendet sedulo, sicut edocebitur.

XII.

Si seruus operetur, * corium suum perdat, vel triginta denariis redimat secundum quod factum erit.

XIII.

Si dominus cogat seruum suum festis diebus operari, ipsum seruum perdat, & deinceps sit liber, & soluat dominus lahslit cum Dacis, * vvitam cum Anglis secundum facti meritum, aut neget.

XIV.

Si liber legitimū iejunium infringat, reddat lahslit cum Dacis, vvitam cum Anglis, secundū quod acciderit. Malum est vt tempore iejuniorum ante horam comedat, & adhuc deterius vt carnis cibo quis seipsum inquiet.

X V.

Si seruus hoc efficiat, corium suum amittat, sicut factum est.

X VI.

Si quis aperte quadragesimale iejunium frangat, per

pugnam, vel concubitum, vel per aliquod summorum criminum, sit hoc duplo corrigendum, sicut in summis festiuitatibus secundum quod factum erit. Si negetur, triplici lada fiat.

XVII.

Si quis Dei rectitudines prohibeat, soluat lahslit cum Dacis, plenam vvitam cum Anglis; vel se adlegiet. Assumat quindecim, & idem sit decimus sextus. Si aliquem vulneret, hoc emendet, & reddet plenam vvitam domino, & ab episcopo manum suam redimat, vel amittat eam. Si aliquem occidat, sit vtlaga, & capiat eum cum clamore omnis qui rectum velit. Si efficiat ut occidatur, per hoc quod contra rectum resistat; si hoc inueniatur, inultus iaceat.

XVIII.

Si quis adulterium faciet, emendet secundum quod factum sit. Malum adulterium est, si sponsus cum vacua fornicetur, & multo peius cum sponsa alterius, vel cum ordinata.

XIX.

Si quis cum * pertinente sua iaceat, emendet hoc secundum cognationis modum, sic vvera, sic vvida, sic omnipotens. Non est æquale si quis cum sorore sua concubat, & fuerit de longe pertinens.

XX.

Si quis violenter virginem opprimat, vvera componat.

XXI.

Si quis viduam per vim capiat, vvera emendet.

XXII.

Si mulier, viuente marito suo, faciat adulterium, & manifestetur, sit ad decus sæculi sibi ipsi, & habeat legalis maritus eius omne quod ipsa habebat, & ipsa perdat nasum & aures. Et si compellatio sit, & in emundando miseueriat, sit in episcopi potestate.

Si quis vxoratus fornicetur cum ancilla sua, perdat eam, & pro se ipso poeniteat erga Deum & homines. Et qui sponsam & concubinam simul habebit, non faciat ei presbyter aliquid rectitudinum quæ Christiano fieri debent, priusquam poeniteat, & ita emendet sicut episcopus iniungeret, & semper deinceps super his abstineat.

Alieni-

Alienigenæ, si concubitus suos dirigere nolint, extra patriam cum peccatis & pecunia recedant.

XXIII.

Si quis plegium regis frangat, emendet quinque libras: si quis archiepiscopi vel comitis, tres libras emendet.

XXIV.

Si quis excommunicatum vel vtlagatum habeat, & manuteneat, desperatio sibi est, & omni venia sua. Et si quis ab iniustitia velit reuerti ad rectum, remittatur ei pro timore Dei, sicut melius poterit, & faciamus sicut nobis expedit. Succurramus semper ei primitus qui magis indiget: tunc metemus inde mercedem nostram vbi nobis carius erit. Quia semper debet impotenti pro Dei timore & amore clementius iudicari quam forti. Sane possumus scire, non potest debilis cum strenuo pariter. Vnde meditari debemus, & distincte discernere senium & iuuentutem, felicem & infelicem, sanitatem & infirmitatem, & utroque debet hoc diligenter aduerti tam in diuinis legibus, quam in saecularibus iudiciis. Item in multis quando aliquis coactus peccat, magis veniale est, si necessitate fecit quod fecit. Et si quisquam agit aliquid impossibiliter, non est omnino simile, si voluntarie faciat.

ANNO
CHRISTI
1029.

CONCILIVM LEMOVICENSE I.

QVO DECLARATVM EST MARTIALE M
Lemouicensis sedis auctorem episcopum apostolicum
esse nominandum: eiusdem corporis eleuatio facta fuit
anno Domini M X X I X. tempore Ioannis papæ X VIII.

N O T A.

^a Concilium.] Hanc Synodum celebratam esse anno Christi 1029. <sup>Tempus
Concilii.</sup> acta Lemouicensis Concilii indicant his verbis: *In primo anno dedicationis huius Lemouicensis basilice Redemptoris nostri, &c.* Dedicatio autem eiusdem ecclesiæ (ut habetur in scripto chronico Goufredi monachi sancti Martialis) habita fuit anno 1028. Quæ in hoc Conclilio gesta fuerunt continentur actione I. Concilii Lemouicensis II. sub Benedicto IX. infra.